



Z A P I S N I K
5. sjednice Komisije za vanjsku trgovinu i carine
Predstavničkog doma Parlamentarne skupštine BiH,
održane 25. aprila 2007. godine

Sjednica je počela u 16,30 sati.

Sjednicom je predsjedavala Snježana Rajilić, predsjedavajuća Komisije.

Sjednici su prisustvovali: Jerko Ivanković Lijanović, Mehmed Suljkanović, Ekrem Ajanović, Jozo Križanović, Šemsudin Mehmedović i Jovan Hadži Mitrović, članovi Komisije.

Slavko Jovičić pravdao je odsustvo.

Edinu Mušiću, članu Komisije, Odlukom donesenom na 7. sjednici Predstavničkog doma 12. aprila 2007. godine, prestao je mandat poslanika zbog podnošenja ostavke radi imenovanja na drugu dužnost, radi čega u Komisiji nedostaje jedan član.

Sjednici je prisustvovala Emira Češljarić, sekretar Komisije.

Za sjednicu Komisije predložen je i jednoglasno usvojen sljedeći

D N E V N I R E D

1. Usvajanje zapisnika 2., 3. i 4. sjednice Komisije za vanjsku trgovinu i carine,
2. Razmatranje Prijedloga zakona o izmjeni Zakona o konkurenciji, predlažać: poslanik Milorad Živković, u skladu s čl. 108. i 109. Poslovnika Predstavničkog doma,
3. Tekuća pitanja:
 - a) Upoznavanje sa stavom Kolegija Doma, od 11.4.2007. godine, o Inicijativi Vanjskotrgovinske komore BiH za uključivlje u rad komisija Parlamentarne skupštine BiH,
 - b) Zadaci radne grupe za poljoprivredu,
- 4) Upoznavanje članova Komisije o boravku predsjedavajuće na Informativnom seminaru 19. i 20. aprila 2007 godine u Briselu, posvećenom **Sporazumu o slobodnoj trgovini na području centralne Evrope-CEFTA 2006.**

Ad-1.

Zapisnici 2. i 3. sjednice Komisije usvojeni su jednoglasno.

Na Zapisnik 4. sjednice Jerko Ivanković Lijanović imao je primjedbu na tačku 4. c) i predložio da se tekst ove tačke dnevnog reda briše.

Zapisnik 4. sjednice Komisije s prihvaćenom primjedbom jednoglasno je usvojen.

Ad-2.

Razmatranje Prijedloga zakona o izmjeni Zakona o konkurenciji, predlađač: poslanik Milorad Živković, u skladu s čl. 108. i 109. Poslovnika Predstavničkog doma

Na 4. sjednici Komisija je jednoglasno usvojila principe Zakona, a Predstavnički dom na 7. sjednici, održanoj 12. aprila 2007. godine, usvojio je Zakon u prvom čitanju.

Predlađač Zakona Milorad Živković zbog ranije dogovorenih obaveza nije prisustvovao sjednici.

Komisija je konstatala da do početka 5. sjednice na tekst izmjena Zzakona nije bilo amandmana.

Članovi Komisije su nakon rasprave o opravdanosti izmjena Zakona u predloženom tekstu jednoglasno prihvatili Prijedlog izmjene Zakona o konkurenciji, predlađača poslanika Milorada Živkovića.

Za izvjestioca na plenarnoj sjednici, na osnovu člana 118. Poslovnika, Predstavničkog doma, imenovana je predsjedavajuća Komisije Snježana Rajilić.

Ad-3.

4. Tekuća pitanja:

- a) Upoznavanje sa stavom Kolegija Doma, od 11.4.2007. godine, o Inicijativi Vanjskotrgovinske komore BiH za uključivlje u rad komisija Parlamentarne skupštine BiH.**

Kolegij Predstavničkog doma na 11. sjednici, održanoj 11. aprila 2007. godine, razmatrao je Inicijativu Vanjskotrgovinske komore BiH (VTK) za njihovo uključivanje u rad komisija Parlamentarne skupštine BiH. Stav Kolegija je da nadležne komisije Doma i zajedničke komisije oba doma VTK dostavljaju pozive za sjednice, kako bi se, zavisno od problematike koju Komisija razmatra, opredijelili za učešće u radu.

Članovi Komisije prihvatili su stav Kolegija Predstavničkog doma i na osnovu odredbi čl. 6. i 7. Zakona o Vanjskotrgovinskoj komori BiH kojima se regulira nadležnost VTK bit će uključena u rad Komisije.

- b) Zadaci radne grupe za poljoprivredu**

Radna grupa osnovana je na 4. sjednici Komisije u koju će, osim članova Komisije, biti uključeno od tri do pet članova iz Vijeća ministara BiH, odnosno resornog ministarstva a radna grupa predlagala bi Komisiji razmatranje sljedećih pitanja:

- a) vanjskotrgovinske politike za poljoprivredne proizvode;
- b) carinske politike za poljoprivredne proizvode;
- c) sporazuma o međunarodnoj trgovini u koje su uključeni poljoprivredni proizvodi;
- d) organiziranje okruglih stolova, javnih rasprava, konsultacija s privrednim subjektima i fizičkim licima o temama bitnim za poljoprivredu;
- e) radna grupa razmatra sva druga pitanja iz oblasti poljoprivrede.

Radna grupa radit će na osnovu odredbi Poslovnika Predstavničkog doma o načinu i djelokrugu Komisije za vanjsku trgovinu i carine.

Ad-4.

Upoznavanje članova Komisije o boravku predsjedavajuće na Informativnom seminaru 19. i 20. aprila 2007 godine u Briselu, posvećenom **Sporazumu o slobodnoj trgovini na području centralne Evrope-CEFTA 2006.**

Snježana Rajilić, predsjedavajuća Komisije upoznala je prisutne da je u organizaciji Ebert Fridrich Stiftung EU Ured u Briselu - Pakt stabilnosti za Jugoistočnu Evropu, organiziran seminar s ciljem potpisivanja Ugovora CEFTA koji je ranije dostavljen članovima Komisije.

Apostrofirala je da ovim Ugovorom nema direktne stimulacije za izvoz, ali ima stimulacije za ulaganja u proizvodnju.

U diskusiji su učestvovali: Jerko Ivanković Lijanović, Jozo Križanović, Šemsudin Mehmedović, Mehmed Suljkanović, Snježana Rajilić i Jovan Hadži Mitrović.

Jerko Ivanković Lijanović smatra da BiH čeka teška situacija sa slobodnom trgovinom ukoliko naša privreda ne bude dobro stajala. Da bi zemlja imala pozitivne efekte od ugovora potrebno je sačiniti analizu i prijedlog mjera, kako se ne bi napravila greška kao sa ugovorima o slobodnoj trgovini zaključenim sa zemljama u okruženju.

Jozo Križanović podržao prijedlog Jerka Ivankovića Lijanović; istakao da se treba fokusirati na rad i osposobljavanje institucija i mišljenja je da bi trebalo pripremiti tematsku sjednicu u saradnji s Vijećem ministara BiH radi dostavljanja mišljenja i preduzetim mjerama povodom ratifikacije ugovora.

Šemsudin Mehmedović podržao je razmatranje ugovora CEFTE na posebnoj sjednici Komisije na koju bi bili pozvani i predstavnici VTK i predložio da Vijeće ministara BiH uspostavi instrumente koji će olakšati izvoz bh. robe.

Mehmed Suljkanović rekao je da provođenje ugovora CEFTE treba direktno razmatrati i primjenjivati.

Snježana Rajilić rekla je da bi pomoć kod izvoza trebalo rješavati u budućem kontaktu s Agencijom za zaštitu bilja, Agencijom za certifikaciju, Uredom za veterinarstvo i dr.

Jovan Hadži Mitrović naglasio je da treba uključiti Vijeće ministara BiH da sagleda mogućnosti kada su u pitanju proizvođači direktno za stimulisanje proizvodnje i indirektno za izvoz. Privrednim subjektima treba dati uslove da svi funkcioniraju dobro, a država treba dati povlastice.

Komisija je zaključila da je potrebno:

1. razmotriti probleme u vezi s izvozom robe iz BiH na osnovu ugovora o CEFTA-i;
2. od Vijeća ministara BiH zatražiti da učini neophodne korake s planom mjera koji će omogućiti lakši izvoz bh. robe i njihovu kontrolu;
3. uputiti dopis predsjedniku Upravnog odbora UIOBiH i direktoru UIOBiH u vezi s održavanjem sastanka s članovima Komisije s ciljem ostvarivanja saradnje u pravcu davanja mišljenja i pružanja tehničke pomoći kod pokretanja pripreme zakonskih propisa iz oblasti indirektnih poreza, indirektnih poreskih stopa i struktura.

Sjednica je završena u 18,15 sati.

Sekretar Komisije
Emira Češljarić

Predsjedavajuća Komisije
Snježana Rajilić